

جَزَائِرِ حَاكِمِي

جمعه ایرتسی

تومرو	شوال	سنة	نيسان	سنة	صفیقه
۷۰۱	۱۹	۱۳۱۰	۲۴	۱۳۰۹	۱۰۳۳۳

(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیله التمش غروشدیر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولمق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکمه مشتری اولمق استیانیلر عدلیه نظارتی)
 (دائرة سنده کائن جریده محاکم اداره سنه مراجعت ایلملیدر)

مدعی عمومی معاونی شوکت افندی به

کنج بدایت محکمه سی مدعی عمومی معاون لکی
 قرق کلیسا بدایت محکمه سی ضبط کتبه سندن احمد
 فهمی افندی به

لازستان بدایت محکمه سی مدعی عمومی
 معاون لکی طر بزون استیناف محکمه سی باش کابی
 احمد فائق افندی به

کر بلا سنجانی بدایت محکمه سی جزا دائره سی
 ریاستی دیار بکر سرمستنطق کامل افندی به

قسمت

توجهات

قرق کلیسا بدایت محکمه سی مدعی عمومی
 معاون لکی ادرنه استیناف محکمه سی جزا دائره سی
 باش کابی کامل افندی به

کنج سنجانی مرکز کرده مجدداً تشکیل اولنان
 بدایت محکمه سی جزا دائره سی ریاستی لازستان

کر بلا مدعی عمومی معاونت کی بغداد ایکنجی
مستنطقی خلیل افندی به

بیروت ولایتی مرکز بدایت محکمه سی مدعی
عمومی معاونت کی قونیه ولایتی مرکز مدعی عمومی
معاونی لطفی بکه

قونیه مرکز بدایت محکمه سی مدعی عمومی
معاونت کی ملاطیه جزا محکمه سی رئیس
سامی افندی به

ملاطیه جزا محکمه سی ریاستی بنغازی جزا
محکمه سی ریاستیدن منفصل ابوالسعود افندی به

مغنیسا مدعی عمومی معاونت کی منشأ مدعی
عمومی معاونی خلیل خالص افندی به

منشأ مدعی عمومی معاونت کی مغنیسا مدعی
عمومی معاونی عثمان صائب افندی به

قیصریه جزا محکمه سی ریاستی کوتاهیه مدعی
عمومی معاونی توفیق افندی به

کوتاهیه مدعی عمومی معاونت کی دیمتوقه مدعی
عمومی معاونی رشاد بکه

دیمتوقه مدعی عمومی معاونت کی اورته کوی
مدعی عمومی معاونی خالد بکه

اورته کوی مدعی عمومی معاونت کی مکتب
حقوق شاهانه مأذونلرندن یوردانا کی افندی به

آبدین سنجانی جزا محکمه سی ریاستی نیکده
بدایت محکمه سی جزا دائره سی رئیس مصطفی
عزت افندی به

نیکده بدایت محکمه سی جزا دائره سی ریاستی
یوزغاد جزا محکمه سی ریاستیدن منفصل عبداللطیف
افندی به تفویض بیورلمشدر .

جسم ارکنه بدایت محکمه سی مدعی عمومی
معاونت کندن منفصل ارتین افدینک بر شخصک

خلاف قانون توقیفه سبیت و یرمسندن طولانی
تحت محاکمه به التمسنه عدلیه نظارت جلیله سنجیه
رخصت و یرلمشدر .

(فی ۱۲ شوال سنه ۳۱۰ و فی ۱۷ نیسان)
(سنه ۳۰۹ تاریخنده بالجله ولایات استیناف)
(محکمه سی مدعی عمومی یرمیلرینه و مدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومی صورثیدر)

اصول ونظامی اقتضاسندن اولدینی حالده بعض
مقاولات محررلرکرنجه بو مقوله املاک مال
قلملرنجه استعمالی اجرا ایدلمکسزین و متراکم
و یرکولری التمسزین معامله تصدیقیه نک اجرا
ایدلدیکی بیانیله بعدازین کفالت ایچون حجز
ایدله جک املاک مقاولات محررلکی طرفندن
بر موجب نظام اول امرده دوائر بلدییه و مال
قلملرندن درعهده قیدی استعمال اولنوب
التهجق جواب رسمی اوزرینه تصدیقلرینک
اجراسیله سلامت معامله نک خللدن وقایه سی مالیه
نظارت علیه سندن مبعوث تذکرده بیان و اشعار
اولنش و مأموریتکرن داخلنده بولسان محاکمه
لاجل التبلیغ اشجو تحریرانک نسخ مطبوعه
کافی می لفا ارسال قلمنش اولمغله اولوجهله
اجرای معامله اولنمی .

ارائه اولنه جق کفلا املاکنک درعهده
قیدلرله قیمتلرینی کفالتنامه لک حین ابرازنده
مقاولات محررلری اول امرده مال قلملرندن
استعلام ایدرک بوضروده او مثلاً املاک علی
الاصول متراکم و یرکولری تحصیل واستیفا
اولندقدن صکره مال قلملرندن چیقاریله جق قیدلر
اوزرینه محررلکجه امر تصدیقک اجرای

قسم غیر رسمی

کورلدیکنه مبنی اعلام مذکورک تقضی طلب اولمشدر .

سائر اوراق دعوی دخی قرائتله تدقیقات تمیزیه اجرا اولندقدہ تبلیغنامہ درمیان اولان اعتراضات بجا و نقض حکمی موجب اسباب قانونیہ دن کورلمکله بر موجب طلب اصول محاکمات جزائیہ قانوننک اوچیز اون دردنجی مادہ سنہ توفیقاً اعلام مذکورک نقضنہ وایکوز غروش خرج اعلامک بالتحصیل محکمہ تمیزہ ارسالی لزومنه ۲۰ نیشان سنہ ۳۰۹ نارینخنده قرار ویرلدی .

فی ۱۶ شوال سنہ ۳۱۰

وفی ۲۱ نیشان سنہ ۳۰۹

ضرب و جرح مادہ لرندنطولای محکومیتلر بنہ دائر اولان حکم ابتدائی علیہنہ اعطا ایلدکری استیناف استدعایینک ردی حقندہ قوزان بدایت محکمہ سی جزادائرہ سندن ویرلش اولان ۲۳ مارت

حکاری سنجانی بدایت محکمہ سی جزا دائرہ سندن ویرلوب مع متفرعات باش مدعی عمومیک مأموریت علیہ سندن ۲۲ شعبان سنہ ۳۱۰ و ۲۷ شباط سنہ ۳۰۸ تاریخ و اوچ بیک یوزالتمش طقوز نومرولی تبلیغنامہ ایلہ محکمہ تمیز جزا دائرہ سندن کوندریلان ۶ رجب سنہ ۳۱۰ و ۱۲ کانون ثانی سنہ ۳۰۸ تاریخ و اون ایکی نومرولی اعلام قرائت اولندی .

مذکور اعلام مالی محمودی قضاسنہ تابع ملاحسن سفلا قریہ سنده مقیم ایرانلی احمدک وقوع بولان قتلندن طولای جنایتله اتهام اولنان الباق قضاسنہ تابع کوراخون قریہ لی درپاز بن ایوبک عندالمحاکمہ قانون جزانک یوز یتمش دردنجی مادہ سنہ تطبیقاً اون بش سنہ مدتلہ کورکه قونلمسنہ حکم اولندیغنی حاوی اولوب تبلیغنامہ مہمہ تعیین قلنان وکیلک وکالتہ صلاحیت قانونیہ سی تصریح اولندیغنی کبی ترجمان تعیینی مسئلہ سنکده احکام قانونیہ رعایت ایدلماش اولدیغنه و محاکمہ ضبطنامہ سنک بعض محللرندہ بلا تصدیق چقیندیالر

ارزنجان سنجانی بدایت محکمہ سی جزا دائرہ سندن ویرلوب مع متفرعات باش مدعی عمومیک مأموریت علیہ سندن ۲۰ شعبان سنہ ۳۱۰ و ۲۵ شباط سنہ ۳۰۸ تاریخ و اوچ بیک یوز یکرمی اوچ نومرولی تبلیغنامہ ایلہ محکمہ تمیز جزا دائرہ سنہ ویریلان ۲۳ محرم سنہ ۳۱۰ و ۵ اغستوس سنہ ۳۰۸ تاریخ و یوزطقسان بش نومرولی اعلام مطالعه اولندی .

اعلام مذکورک مالی قرق کلیسا قضاسنہ تابع خالدان قریہ لی قاطام اوغلی حسینک وقوع بولان قتلندن طولای جنایتله اتهام اولنان قریہ مرقومہ اہالیسندن حسین بن علینک بعدالنقض اجرا قلنان محاکمہ علیہ سی نتیجہ سنده قانون جزانک یوز یتمش دردنجی مادہ سنہ توفیقاً بعدالشفہیر اون بش سنہ مدتلہ کورکه قونلمسنہ واکال مدت ایلدیکندن اون اوچنجی مادہ موجبجہ بش سنہ ضبطیہ نظارتی التندہ بولندیلمسنہ حکم اولندیغنی حاوی اولوب تبلیغنامہ دخی مذکور اعلامک موافق قانون اولدیغنی بیان اولمشدر .

سائر اوراق دعوی دخی قرائتله تدقیقات تمیزیه اجرا اولندقدہ اعلام مذکور اعلام اولہ

سنہ ۳۰۸ تاریخی اعلامک تمیزی حقندہ چقالیان مغردیج ایلہ طوباجق اوغلی سحاق طرفندن اعطا قلوب دائرہ عائدہ سندن قبول ایدیلان استدعا نامہ ایلہ اوراق متفرعہ سی باش مدعی عمومیک مأموریت علیہ سندن ۴ شباط سنہ ۳۰۸ تاریخ و ایکی بیک یدیوز قرق بر نومرولی تبلیغنامہ ایلہ محکمہ تمیز جزا دائرہ سنہ ویرلمکله تمیزاً لدی التدیق مذکور تبلیغنامہ دخی کورتلدیکی وجہله مدت قانونیہ سی طرفندہ ویرلش اولان استیناف استدعایینک مجرد بالاسی بدایت محکمہ سی ریاستنہ خطاباً یازلش اولمی سیبیلہ رد ایدلمسنده اصابت قانونیہ کوریہ مدیکندن لایحه نک بوجہتی تضمن ایدن مندرجاتی دخی بجا کورلمکله اصول محاکمات جزائیہ قانوننک اوچیز دردنجی واون طقوزنجی مادہ لرینہ توفیقاً اعلام مذکورک نقضنہ وایکوز غروش اعلام خرجنک اخذیلہ محکمہ تمیزہ ارسالی لزومنه ۱۷ شباط سنہ ۳۰۸ تاریخنده قرار ویرلدی .

فی ۱۷ شوال سنہ ۳۱۰

وفی ۲۲ نیشان سنہ ۳۰۹

عطفاً تنظیم اولسوب بونده محبرلرک افاده لری
ودلائل ثبوتیه نهدن عبارت اولدینی و مدافعات
واقعه نه مقوله شیلر اولوب بونلره رد و یا قبولی
حقنده محکمه جه نه صورتله جواب ویرلدیکی درج
واملا قلنامش و حکم جهته کلنجه اون اوچنچی
مادهیه تطبیقاً اسباب موجبہ دخی کوسترلماش
اولدیفنه والحاصل تنظیم اعلام قاعده سنه کلیاً
مخالف و مغایر بولندیفنه مبنی ذکر اولنان اعلامک
اصول محاکمات جزائیہ قانوننک اوچیز اون
دردنجی ماده سی موجبنجه اکثریتله نقضنه وایکی
یوز غروش تمیز اعلامی خرجنک بالتحصیل
محکمه تمیزه لزوم ارسالنه ۲۵ مارت سنه ۳۰۹
تاریخنده قرار ویرلدی .

فی ۱۷ شوال سنه ۳۱۰
وفی ۲۲ نیشان سنه ۳۰۹

بصره ده ساکن بزاز مرزہ نک دکانندن
وقوعبولان سرقتدن طولانی اتهام اولنان
عزالدین محله سنده ساکن ایرانی حسن بن بختیارک
قانون جزانک ایکپوز یکرمنجی ماده سنه تطبیقاً
اوج سنه مدته کورکه قولمنسنه دائر بصره
بدایت محکمه سندن ویریلوب باش مدعی عمومیک
مأموریت علیه سندن ۱۸ کانون ثانی سنه ۳۰۸
تاریخ وایکی بیک درتیوز التمش بر نومرولی
تبلیغنامه ایله محکمه تمیز جزا دائره سنه کوندریلان
۳ تشرین ثانی سنه ۳۰۸ تاریخ وسکسان ایکی
نومرولی اعلام و اوراق مقررعه سی تمیزاً
لدی التدقیق تبلیغنامه ده بیان اولندی اوزره
شاهدلرک لایقوله تحری و جلبلرینک متعسر
اولدینی تحقق ایتکسزین افادات مضبوطه لرینه
بنای حکم ایدلسی بولسز بولندیفنی کبی سرقت
اولنان محک آلت مخصوصه ایله آچلدیفنه دائر
دلائل مقبوله ثبوتیه تصریح قلنامش اولدیفندن
اصول محاکمات جزائیہ قانوننک اوچیز اون
دردنجی ماده سی مفهومنجه بر موجب تبلیغنامه
اعلام مذکورک اکثریتله نقضنه وایکیوز غروش
اعلام خرجنک اخذیله محکمه تمیزه لزوم
ارسالنه ۲۷ کانون ثانی سنه ۳۰۸ تاریخنده قرار

ویرلدی .

فی ۱۷ شوال سنه ۳۱۰
وفی ۲۲ نیشان سنه ۳۰۹

نیکده بدایت محکمه سندن ۳ تشرین اول
سنه ۳۰۰ تاریخی وقرق عددی ایله صادر اولان
اعلامک تمیزینی استدعا ایدن قونیه ده ساکن
جیوی اوغلی فیلیپوس وکیلی خرملیوس افندی
یوم معینه دائره یه کلوب مدعی علیه نیکده ده مقیم
سیمه اوغلی سیمون کلدیکی کبی جواب لایحه سی
دخی کوندرمدیکندن وکیل مومی الیهک ایضاحات
شفاهیه سیله باش مدعی عمومی معاونلرندن احمد
بکک مطالعه سی استماع قلندقدن صکره تدقیقات
تمیزیه اجراسنه ابتدار اولندی .

اعلام مذکورک خلاصه مالی مرقوم
سیمونک برقطعه پوایچه بدلندن طولانی مرقوم
فیلیپوس ذمتنده الاجفی اولدینی تبین ایدن قرق

بر یحقی لیرانک تحصیلی حکمتی حاوی محکمه
مذکورده ن صادر اولان اعلام غیایینک اعتراض
علی الحکیم اوزرینه تصدیقنه قرار ویرلدیکندن
و مستدعی وکیلنک اشبو حکم علیه نه باشاوجه
اعتراضی پولیچه دن متولد بوکی دعاوینک رؤیتی
محکمه تجارتیه عائد اولدینی حالده محکمه مذکورجه
وظیفه خارجنده رؤیت دعوی اولنمسی مغایر
قانون اولدیفندن بختله اعلامک نقضی استدعاسندن
ومعاون مومی الیهک مطالعه سی دخی بومثللو
پولیچه معاملاتی اوزرینه تکیون ایدن دعاوینک
محکمه تجارتیه رؤیتی نظامی اقتضاسندن بولندیفنه
بناءً اعتراض واقعک موافق قانون اولدینی
بیانندن عبارت بولنمشدر .

ایجابی مذاکره اولندقدنه مندرجات اعلامدن
مستفاد اولدینی اوزره مبلغ مدعابه پولیچه بدلی
اولسنه و بوکی پولیچه معاملاتی اوزرینه تحث
ایدن دعاوینک فصل ورؤیتی ایسه محاکم تجارتیه
عائد اوله رق حقوق عادیه محکمه سنک وظیفه سی
خارجنده بولنمسنه کوره محکمه مذکورجه
تشکیل محاکم قانوننک اوننجی ماده سنده کوسترلدیکی
وجهله اعضای موقته حضوری و تجارت محکمه سی
صفی ایله دعوا ی مذکورده نک فصل وحسمی

لازم کلور ایکن بوراسنه دقت ایدلیهرك حقوق
عادیه محکمه سی صفتیه برمنوال محرر رؤیت و حکم
اولنمسی وظیفه خارچنده اوله رق قانونه مغایر
و مستدعی و کیلنک اعتراضی ایله معاون مومی الیهک
مطالعہ سی موافق نفس الامر کورندیکنه بناء
اصول محاکمه حقوقیه قانوننک ایکوز اوتوز
ایکنجی ماده سی موجبجه اعلام مذکورک تقضیه
قانون من بورک ایکوز قرق دردنجی ماده سی حکمنه
توقیفاً کیفیتک صورت مشروحه دائره سنده
یکیدن بالرؤیه اعلامه ر بطی ضمننده محکمه
مرقومه یه اعاده سنه وزیرده مفرداتی مرقم درت
یوز قرق سکر بچق غروش مصارف محاکمه نک
ایلروده حقسز چیه جق طرفه رجوع ایتمک
اوزره اول امرده مستدعی تمیز فیلیوسدن
النمسنه ۲۹ مارت سنه ۳۰۵ تاریخنده متفقاً قرار
و یریلهرک تفهیم قلندی .

اعلام مذکورک خلاصه مالی کسندیره قضای
منافع صندوقک برقطعه سند موجبجه جهت
کفالتدن مرقوم یانی پترو یورغاقه ذمتده الاجنی
اولدینی مرقومک اقرار یله تین ایدن ایکوز
غروشک بر سنه لک فائضی اولان یکر می درت
غروشله برابر ایرا یوز یکر می غروش حسابیه
مرقوم یانیدن تحصیلنه و تاریخ استدعادن حین
استیفا سنه قدر بشقه گذشته یوریدلسنه حکمدن
و مستدعی تمیز زراعت بانکسی و کیلی اوخانس
افندینک اشبو حکم علیه نه کی اعتراضنک
باشلوجه سی دین سندنده فائض مقاوله سی مندرج
ایکن محکمه جه بر سنه لک گذشته یوریدلسی مغایر
قانون اولدینندن بخله اعلامک نقضی استدعاسدن
و معاون مومی الیهک مطالعه سی دخی کفالت واقعه

کسندیره بدایت محکمه سندن ۱۶ مارت

شرطه معلق اولدینی حالده نظر اعتباره التامش
و منازع فیه اولان سند گذشته لی ایکن یالکر
بر سنه لک فائض یوریدیلهرک اولساده اسباب
موجبه کوسترلماش اولدیننه مبنی اعتراضات
مذکورک موافق قانون اولدینی بیانندن عبارت
بولنمشدر .

ایجابی مذاکره اولدقده اعلام مذکور
مطالعہ سندن اکلاشلدینی ارزره مستنداعا اولان
سندده اساس دین ایچون فائض مقاوله سی مندرج
اولسنه کوره محکمه جه مبلغ مدعا به حقنده تاریخ
سندن اعتباراً حین حکمه قدر فائض یوریدیلهرک
حاصل اوله جق ایچنک تحت حکمه النمی لازم
کلورایکن بوجهته دقت اولنمیه رق مبلغ مدعا به
انجق بر سنه لک فائض حکم ایدلسی یولسز و مغایر
قانون اولدیننه بناء اصول محاکمه حقوقیه قانوننک
ایکیوز اوتوز ایکنجی و ایکوز قرق برنجی ماده لری
موجبجه اعلام مذکورک تقضیه قانون من بورک
ایکیوز قرق دردنجی ماده سی حکمنه توقیفاً کیفیتک
یکیدن بالرؤیه اعلامه ر بطی ضمننده محکمه
مذکوریه اعاده سنه وزیرده مفرداتی مرقم ایکوز
طقسان طقوز بچق غروش مصارف تمیزیه نک
ایلروده حقسز چیه جق طرفه رجوع

سلانیک استیفاف محکمه سندن ۱۲ ایلول
سنه ۹۹ تاریخی و اوتوز درت عددی ایله و یریلان
اعلامک تمیزینی استدعایدن مناسترده مقیم الیاس
پاشا و کیلی فراچی افندی یوم معینده دائره یه
کلدیکی کی مدعی علیهم و دینه قضای داخلنده
لادوه قریه سی اهالیسی جانبندن دخی بروکیل
کوندردیکندن اصول محاکمه حقوقیه قانوننک
ایکیوز یکر می طقوزنجی ماده سی موجبجه تدقیقات
تمیزیه اجراسنه ابتدار قلندی .

اعلام مذکورک خلاصه مالی مومی الیه الیس
پاشا ایله مذکور لادوه قریه سی اهالیسی بیننده
منازع فیه اولان اراضی یه پاشای مومی الیهک

منع مداخله سی حقننده موقت اجرا ایله و دینه بدایت
محکمه سندن ویریلان اعلام غیابی علیهنده پاشای
مومی الیهک اعطا ایلدیکی اعتراض علی الحکم
استدعاسنک ردینه دائر ویریلان اعلامک استینافاً
تدقیقی پاشای مومی الیه وکیل طرفندن استدعا
قلتمش ایسهده اولباده اعطا قلنان استیناف
استدعایه سنده مستأنف علیهم اهلینک سکسان
بش نفرندن عبارت ایدوکی محرر اولدینی حالده
بولورک اسم و شهرت لایله صنعتاری مندرج اولیبوب
شرائط استینافیه نقصان براغلمش ولدی التدقیق
مدت استینافیه نک مروری جهتیه اکیل نقصانه
دخی مساع قانونی کور یله مامش اولدیغندن استدعا
نامه مذکورک ردینه حکمدن و مستدعی تمیز
وکیلنک اشبو حکم علیهنده لایحه سنده محرر
اعتراضاتنک باشلو جه سی بدایت اعلامنده مستأنف
علیهمک اسامیهی کوسترلیه رک وکیلر بک اسمی
ذکر ایدلش ایکن محکمه استینافیه جه رد استدعایه
قرار ویرلسی مغایر قانون اولدیغندن بختله اعلامک
نقضی ومدعی علیهکم لایحه لرنده محرر نتیجه
جوابلری دخی اعتراضات مسروده نک واهی
اولدینی بیانیه ردی و موافق قانون اولان
اعلامک تصدیقی طلبندن عبارت بولنمشدر .
ایجابی مذاکره اولندوقده اعلام مذکور

مآلندن اکلاشدینی اوزره مستأنف وکیل جانبندن
اعطا قلنان استیناف استدعایه سنده مستأنف علیه
بولنان اهالی مرقومه نک اسملری ذکر وتصریح
قلتمیوب یالکز وکیلرینک اسمی کوسترلش
اولدیغندن طولانی استدعایه مذکورک ردینه
قرار ویرلش ایسهده بدایت مدعی بولنان اهالی
مرقومه نک کیملردن عبارت ایدوکی واسامی
و شهرتاری اعلام مستأنف بیده ذکر وتصریح
قلنامش اولسندن طولانی عندالاستیناف اعلام
مذکورک فسخیله دعوی استینافیه نک احکام
قانونیه دائره سنده فصل وحسمی لازم کلور ایکن
بوراسنه دقت اولنمیه رق بوجه محرر قرار
ویرلسی یولسز وقانونه مغایر و مستدعی تمیز
وکیلنک اعتراضی بوجهته متدائر اوله رق موافق
نفس الامر کورلش اولدیغندن اصول محاکمه
حقوقیه قانوننک ایکوز اوتوز ایکنجه ماده سی
موجبجه اعلام مذکورک نقضیله قانون مزبورک
ایکوز قرق دردنجه ماده سی حکمنه توفیقاً کیفیتک
صورت مشروحه دائره سنده بالرؤیه اعلامه
ربطی ضمتنده محکمه مذکوره به اعاده سنده وزیده
مفرداتی مرقم بشیوز اوتوز بر یحق غروش مصارف
تمیزیله نک ایلروده حقسز چیه حق طرفه رجوع
ایتمک اوزره اول امرده مستدعی تمیز الیاس

پاشان التمسنه ۱۶ مارت سنه ۳۰۸ تاریخده
متفقاً قرار ویرلدی .

اینوز بدایت محکمه سندن ۱۷ نیسان سنه
۳۰۶ تاریخی واون اوچ عددی ایله صادر اولان
اعلامک تمیزینی اینوز قصبه سنک خر یطوخی
محله سنده ساکنه دیمترکی زوجه سی اینجو
قادین وکیل میخائلو با عرضحال استدعا ایتدیکی
حالده یوم معینده کلامش اولدیغندن میز علیه
زراعت با نقه سی وکیل اوخانس افندینک
ایضاحات شفاهیه سیله باش مدعی عمومی معاونلر
ندن سعادتلو یورغاکی افندینک مطالعه سی استماع
قلندی .

اعلام مذکورک خلاصه مآلی متوفی لیغورک
اینوز زراعت بانقه سنده جهت کفالتدن طولانی
اوچوز اوتوز الی غروش دینی اولدینی اولباده
ابراز اولنوب اهل خبره معر قتیله مهری تطبیق
قلنان بر قطعه سند مندرجاتی ایله تبیین ایتمکله

مبلغ مذکورک مداینات قرار نامه سنک برنجی
ماده سنک فقره ثانیه سی موجبجه لیرا یوز قرق
غروش حسابیه متوفای مرقومک اموال متروکه
سنه واضع الید بولنان قز قزداشی مزبوره اینجو
قادیندن تحصیلنه حکمدن و مستدعی اینجوقادین
وکیل میخالونک اشبو حکم علیهنده لایحه سنده
مندرج باشلو جه اعتراضی موکله سنک متوفای
مرقوم لیغورک ترک سنده وضع ید ایتدیکی کبی
وضع یدی ثابت اولسه بیله ورنه سنک اوچ نفرندن
عبارت اولسنه مبنی مبلغ مدعا بیدن موکله سنک
حصه سی نسبتنده مسئولیتی مقتضی ایکن بدایت
بوجهته متدائر اولان مدافعاتک سمع و اعتباره
التماسی مغایر قانون اولدیغندن بختله اعلامک
نقضی و میز علیه بانقه وکیلنک نتیجه جوابی
مزبوره اینجوتنک مجموع ترک متوفایه وضع
یدی اوراق رسمیه ایله ثابت و اعتراضات واقعه نک
واهی اولدینی بیانیه ردی و اعلامک تصدیقی
طلبندن و معاون مومی الیهک مطالعه سی دخی
بدایت اجرا قلنان تدقیقات نتیجه سنده مستدعی
تمیزک کفیل متوفانک متروکاتنه وضع ید ایتش
اولدینی تبیین ایتسنه مبنی اعتراضات واقعه نک
موافق قانون کور یله مدیکی بیسانندن عبارت
بولنمشدر .

ایجابی لدی المذاکره اعلام مذکور
متدرجاتند منقهم اولدینی اوزره مبلغ مدعا
بهک متوفای مرقوم لیغورک حسب الکفاله
دینندن متولد و ورثه سندن اولان مزبوره اینجو
قادیندن تحصیل طلبندن عبارت اولمسنه نظراً
محکمه جه اول امرده متوفای مرقومک وراثتی
کیملره منحصر اولدینی شرعاً اثبات ایتدیرلد -
کدن ورثه نک ترکه متوفایه واضع الید اولوب
اولدقاری تحققی ایتدکد نسکره مبلغ مدعا بهدن
طولایی ورثه دن هر برینک حصه لری نسبتنده
مؤاخذه اولنمسی لازم کاور ایکن بدایت محکمه -
سنجه بورالینک ثبوت و تحققه تعرض ایدلمدیکی
کبی ورثه نک متعدد اولدینی حقنده سرد ایدیلان
ادعایک دخی تدقیق ایدلیه رک مجموع دینک
مزبوره اینجودن تحصیلنه حکم اولنمسی اسبابنک
اعلامده ایضاح ایدلما سی نقصانی تدقیقاتدن
معدود وقانونه مغایر ایدوکنه و مستدعیه مزبوره
وکیلنک اعتراضاتی شایان قبول اولوب معاون
مومی الیهک مطالعه سی موافق نفس الامر
کوریه مدیکنه بناءً اصول محاکمه حقوقیه قانوننک
ایکیوزاوتوزایکنجی ماده سی موجبجه اعلام مذکورک
نقضیه قانون مذکورک ایکیوز قرق دردنجی ماده سی
حکمنه توفیقاً کیفیتک صور مشروحه دائره سنده

شیله بدایت محکمه سندن ۲۰ تموز سنه ۳۰۵
تاریخی ویکرمی ایکی عددی ایله اعطا قلنان
اعلامک تمیزینی استدعا ایدن شیله قصبه سنک یکی
کوی اشاغی محله سنده مقیم اندون ولد دیمتری
یوم معینه دائره یه کلیوب بالمقابل تمیز استدعا سنده
بولنان اسکدارده محکمه قوشنده خور خورده
موجبی خاننده مقیم خانجی قسطنطی ولد انتموسک
ورود ایتش اولمسیله ایضاحات شفاهی سی استماع
قلندقدنصرکه تدقیقات تمیزیه اجراسنه ابتدار

اولندی .

اعلام مذکورک خلاصه مآلی مرقوم
قسطنینک مزبور اندون ذمتنده برقطعه سند
موجبجه مطلوبی اولان الی لیرا ایله اجرت
و کالتدن طولایی با مقاوله نامه بشقه جه استحقاقی
بولنان درت بیک بشیوز غروشک تحصیلی حقنده
اقامه ایدلیکی دعویاه قارشو مدعی علیه اندون
مذکور سند ایله مقاوله نامه بی تام العقل اولدینی
بر زمانده و یرمش و اجرت و کالت و سائر
اوله رق اولجه مستدعی به التمش لیرا تأدیه ایتش
اولمسیله محاسبه لرینک رؤیت اولنمسنی مدافعه
درمیان ایتش ایسه ده مرقوم اندونک سند
مذکور ی تام العقل اولدینی حالده اعطا ایتش
اولدینی مذکور سندده اسامیسی محرر اولوب
مدعی مرقوم طرّفندن اقامه و استماع اولنان
شاهدلرک شهادت لریله تحقّق ایتش اولدینندن
مذکور الی لیرانک بر موجب سند مذکور
اندوندن تحصیلیه مرقومک خانه سنه موضوع
حجزک تصدیقنه و مدعی قسطنینک بر موجب مقاوله
یومیه اوز غروش اجرتله درتسوز الی کون
مدت مدعی علیه اندونک دعواسنی تعقیب ایتدیکی
حقنده کی ادعاسنی اثبات ایده مدیکی کبی مدعی
علیهک تحلیفی دخی طالب اولماسنه منی بوجهت

حقنده کی ادعاسنک ردینه و مستدعی اندونک
اشبو حکم علیهنده لایحه سنده محرر باشلوجه
اعتراض دین واقع مؤجل بولنمدینی حالده امر
انتعاشی اجاره سنه منحصر اولان مذکور خانه به
موضوع حجزک محکمه جه تصدیقنه حکم ایدلیسی
واولابده کی حجز نامه صورتنک طرفه تبلیغ
اولنماسی مغایر قانون اولدینندن بختله اعلام
مذکورک نقضی استدعا سندن و بالمقابل تمیز
استدعا سنده بولنان قسطنینک نتیجه جوابی دخی
حجز واقع دینک انقضای وعده سندن صکره
اجرا اولنمش و حجز اولنان خانه اجاره سی
مرقوم اندونک انتعاشنه مخصوص بولنماش
اولدینی جهتله اعلام مذکورک بوجهته متدار
اولان فقره حکمیه سنک تصدیقی و اجرت و کالتدن
استحقاقی اولدینی خصمنک اقدار بالکتابه سیله
اثباته مقتدر بولندینقی عند المحاکمه درمیان
ایتش ایکن اولاباده کی ادعاسنک استماع اولنمسنین
رد اولنمسی مخالف قانون اولدینی بیانیله اعلام
مذکورک بوجهت حقنده کی فقره حکمیه سنک
نقضی طلبندن عبارت بولنمشدر .

ایجابی لدی المذاکره اعلام مذکور مندر .

جائیدن منقسم اولديغه كوره مدعى قسطنطينك
 بداية ابراز واستناد ايلديكى سند ومقاوله نامه ي
 مدعى عليه اندونك تام العقل اولدينى حالده اعطا
 ايتمش اولديغك شهادت واقعه ايله ثبوتنه مبنى
 سند مذكورك حاوى اولدينى اقچه نك تحصيله
 حكم و يرلمش ايسه ده شهود مرقومه نك عدل
 ومقبول الشهاده اولوب اولدقلى ينك تحقيقى
 ضمننده محكمه جه سرأ وعلناً امى تركبه لر ينك
 اجرا قلمسى مجله نك بى يك بديوز اون التنبى
 ماده سى اقتضا سندن بولندينى حالده شهود
 مرقومه نك امر تركبه لرى اجرا قلمقسز ين
 شهادتلى ينك قبوليله برمنوال محرر حكم و يرلمش
 مغاير اصول وقانون بولنمش اولديغدن اصول
 محاكمه حقوقيه قانوننك ايكبوز فرق برنجى
 ماده سى موجبجه اعلام مذكورك نقضيله قانون
 مذكورك ايكبوز فرق دردنچى ماده سى حكمه
 توفيقاً صورت مشروحه دائره سنده كيفيتك
 يكي دن بالرؤيه اعلامه ر بطى ضمننده محكمه
 مذكوره به اعاده سنده وز يرده مفرداتى مرقم
 درتيوز طقوز بحق غروش مصارف تميز به نك
 ايلروده حقسز چيقه حق طرفه رجوع ايتك
 اوزره اول امرده مستدعى اندوندن النمسنه
 فى ۳ مايس سنه ۳۰۶ تاريخنده متفقاً قرار

ويريله رك تفهيم قلندى .

سوريه استيناف محكمه سندن ۲۸ تشرين ثانى
 سنه ۳۰۳ تاريخى واون التى عددى ايله ويريلان
 اعلامك تميزينى قدس شريفك سلوان قريه سنده
 مقيم يوسف بن مصطفى سليمان الكراعين طرفندن
 استدعا اولنمش ايسه ده يوم معينده دائريه كلدكى
 كى وكيل دخى كوندردمديكسندن مدعى عليه نفس
 قدس شريفده ساكن مصطفى بن محمود الحلاق
 ورثه سندن پدرى حاجى محمود ووالده سى جوهرى به
 وزوجه سى ظريفه وصغير اولادى محمد وفوزيه نك
 ولىسى مزبور حاجى محمودك باحجت شرعيه وكيلى
 ابراهيم لبنان افندي نك ايضاحات شفاهيه سيلاه باش
 مدعى عمومى معاونلرندن سعادتلو بورغاكى
 افندي نك مطالعه سى استماع قلندى .

اعلام مذكورك خلاصه مالى متوفى مرقوم
 مصطفى نك مرقوم يوسف كراعين ذمتده چند

قطعه سند موجبجه الاجننى اولان التمش ايكى
 عدد فرانسز ليراسنك تحصيله دائر قدس شريف
 بدايت محكمه سندن استحصال ايلديكى اعلام غيايى
 عاينهنده مرقوم يوسف كراعين طرفندن اعتراض
 على الحكم عرضحالى اعطا اولنمش اوزرينه جريان
 ايدن محاكمه وجاهيه ده سندات مذكوره دن برو
 يدى ليرايى حاوى بولنان ايكى قطعه سنده وقو
 عبولان اقرارنده كاذب اولدينى بيان ايله درت
 ليرايى ناطق اولان ديكر سندن مضمونى كلياً
 انكار ايتسهنه مبنى مذكور ايكى سنده اقرارنده
 كاذب اولديغنه دائر طليله مدعينك تحليفى بعد
 الاجرا مرقوم يوسفك مواجهه دن امتناع ايتسيله
 وكيل مسخر تعيين اولنهرق تدقيقات لازمه لى
 الاجرا سالف الذكر اللى درت ليرايى مرقوم
 يوسفك قبض ايلديكى مرقوم مصطفى طرفندن
 اقامه اولنان شهودك شهادتلى به ثابت اولديغدن
 سندات مذكوره نك حاوى اولدينى التمش ايكى
 ليرانك تحصيلى حقه ده بداية صادر اولان اعلام
 حكمه مرقوم يوسف كراعين عدم قناعتله سوريه
 استيناف محكمه سنه بالمراجعه استيناف دعوى ايتمش
 ايسه ده شرائط استينافيه جمله سندن اولان كفالت
 سنده كى امضا و مهرده اسمى محرر اولوب
 قدس طاپوكاتى طرفندن املاك صاحبي اولق

اوزره كوستريلان كفيل عوض اللهك تصديق
 درجه اعتبارينه دائر مقاولات محررلكى جانبندن
 يازيلان شرحده كفيل مرقومك اسمى عوده
 محمد درويش كوستريلوب بو ايسه كفيلك غيرى
 اولان برشخصك اعتبارينى تصديق ديمك اولوب
 قانوناً غير جائز بولنمش اولدينى بيانيله اصول
 محاكمه حقوقيه قانوننك يوزسكسان التنبى ماده سى
 موجبجه استيناف استدعاسنك ردينه قرار و ير
 لديكسندن ومستدعينك اشيو قرار عاينهنده كى
 اعتراضاتنك باشلوجه سى كفالت سندنده محرر
 امضا و مهر عوضاه محمد درويش و طاپوكاتى
 تصديق دخى بويولده اولوب مقاولات محررينك
 عوده محمد درويش ديو تصديقنده اولان مباينت
 مدار حكم اتخاذ اولنمش ايسه ده هر بلده ده بين
 الناس تصغير وتحفيف همچون اسملرده جزئيه جه
 تبديل وقوعه كلكده اولسيله محكمه استينافيه جه
 كفيل مرقومك مقاولات محررلكى طرفندن
 تحفيغه مبنى اسمى عوده محمد درويش يازيلوب
 يازلمدينى حقه ده تحقيقات اجرا اولنقسز ين
 استيناف استدعاسنك ردينه قرار و يرلمش مغاير
 قانون اولديغدن بحثله اعلامك نقضى استدعاسندن
 ومدعى عليهم وكيلى نك تتيجه جوابى دخى حكم
 واقع موافق اصول وقانون اولوب اعتراضات

مسروده نك واهى ايدوكى بيا نيله اعلامك
تصديق طلبندن ومعاون مومى اليهك مطالبهسى
دخى سالف الذكر تصديق شرحنده محرر اسم
متعدد سندده مندرج اسمه مطابق اولماق جهتيله
استيناف استدعاسى رد اولمش ايسه ده تصديق
اولنان اسمك كمالتماده مندرج اسمك اختصار
صورتيله عيني اولوب اولمدينى تدقيق اولتماش
واستيناف استدعاسنك تجديدى ضمننده مهل
قانونى اعطاسنه محل اولوب اولمدينى بيان قلمناش
اولديغنه مبنى اعتراضات واقعه نك موافق قانون
اولمدينى بيانندن عبارتدر.

مابعدى وار

افدى ذمننده الاجنى بولنان معلوم المقدار مباغك
تأمين استيفاسى ضمننده فروختى قرارلشدير يلان
بك اوغلنده مؤبد زاده محله سنده مقرى اوغلى
چيقيماز سواقاغنده وافع يكدىكرينه متصل اون
طقوز و يكرمى بر نومرولرله مرقم ايكي باب
خانه دن اون طقوز نومرولى خانه نك ربع حصه سيله
مذكور يكرمى بر نومرولى خانه نك كذلك ربع
حصه سى ايرا يوزغروشدن ايكي بيك التيشريوز
غروشه طالبي عهده سنده تقرر ايتمش ومدت
مزايده نك انقضاسنه مبنى موقتاً قرارداده سى
كشيدده قلمش اولديغندن بوندن زياده يه يعنى
يوزده بش ضميله طالب اولانلرك ودها زياده
معلومات الموق استينانلرك تاريخ اعلاندن اعتباراً
اوتوز بركون ظرفنده درسعادت اعلامات نظاميه
اجرا دائره سنده مراجعتله پي سورملرى لازم
كله چكى دائره مذكوره دن اعلان اولنور .

في ۸ مارت سنه ۱۳۰۹

اعلان

اشرف بك ورثه سنك درسعادت بدايت
محكمه سى ايكنجى حقوق دائره سندن صادر اولوب
نومرويه مقيد برقطعه اعلام موجبنجه فائق
۳۰۶ / ۱۶

(مطبعة عامره ده طبع اولمشدر)